

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINSKI SUD U KISELJAKU
Broj: 49 0 K 067602 24 K
Kiseljak, 01.12.2025. godine

Općinski sud u Kiseljaku, sudija Seleni Beba, kao sudija pojedinac, uz sudjelovanje zapisničara Salihe Fejzić, u krivičnom predmetu protiv optuženih BFS d.o.o. Kreševo, S. K. i B.Z., zbog krivičnog djela Teško krivično djelo protiv opće sigurnosti ljudi i imovine iz člana 328. stav 4. u vezi sa stavom 1. Krivičnog zakona Federacije Bosne i Hercegovine (KZ FBiH), u vezi sa članom 323. stav 2. i 4. istog zakona, a sve u vezi sa članom 128. stav 1. tačka a) KZ FBiH i članom 31. istog Zakona, postupajući po optužnici Tužilaštva Srednjobosanskog kantona, broj: T06 0 KT 0028970 22 od 23.02.2024. godine, potvrđenoj dana 04.03.2024. godine, nakon održanog javnog glavnog pretresa u prisustvu tužioca Tužilaštva Srednjobosanskog kantona F.M., zastupnika optužene pravne osobe BFS d.o.o. Kreševo, advokata E.B., optuženih S.K. i B.Z., te njihovih branilaca, advokata B.F. i S.P., dana 01.12.2025. godine, donosi i javno objavljuje:

U IME FEDERACIJE BOSNE I HERCEGOVINE!

P R E S U D U

Optuženi:

1. **BFS d.o.o. Kreševo**, sa podacima kao u spisu,
2. **S.K.**, sa podacima kao u spisu,
3. **B.Z.**, sa podacima kao u spisu,

Na osnovu člana 299. tačka c) Zakona o krivičnom postupku Federacije Bosne i Hercegovine

OSLOBAĐAJU SE OD OPTUŽBE

Da su:

U vremenskom periodu od 04.12.2017. godine do 21.12.2017. godine privredno društvo BFS d.o.o. Kreševo koji se nalazi u mjestu Resnik, općina Kreševo, S.K. u svojstvu ... privrednog društva BFS d.o.o. Kreševo, kao poslodavac zaključili ugovor o radu na neodređeno radno vrijeme broj ... sa oštećenim zaposlenikom V.V. za radno mjesto operater sistema na hidratizaciji za koje radno mjesto prema odredbi člana 154. redni broj 10.1 Pravilnika o radu BFS d.o.o. Kreševo od 25.06.2016. godine kao posebni uvjeti su propisani stručna sprema VKV, KV-strojarske struke i jedna godina iskustva u struci, iako je S.K. bilo poznato da oštećeni V.V. ne ispunjava posebne uvjete za obavljanje poslova na navedenom radnom mjestu, nakon čega su u daljem odvijanju procesa rada S.K. i B.K. koja je obavljala poslove ... STAMAL I HIDRATIZACIJA iako su znale da je na košu-dozirnoj šneci model DSD 250X2620 početkom XII mjeseca 2017.godine privredno

društvo BFS d.o.o. Kreševo izvršilo rekonstrukciju postrojenja dozirne šneke koša i promjenu namjene iste te u istu na dnu dozirne šneke ugradili pužnicu na način da se na osovinu spiralno navarene lopatice od lima koja predmetna pužnica je izrađena i ugrađena od strane uposlenika BFS d.o.o. Kreševo, nakon čega je S.K. postupila suprotno odredbi člana 16. Zakona o zaštiti na radu (Službeni list broj 22/90), koja odredba propisuje da poslodavac ne može staviti u promet, odnosno upotrebu sredstava rada i opremu i sredstva lične zaštite prije nego što utvrde da odgovaraju propisima donesenim na osnovu zakona, kao i odredbi člana 91. Pravilnika o zaštiti na radu u BFS do.o. Sarajevo broj 9.10/2015. od 29.10.2015. godine koja odredba predviđa da se novi periodični pregledi i ispitivanja na oruđima za rad i u radnim pomoćnim prostorijama iz ovog pravilnika vrše ukoliko se izmijene uvjeti utvrđeni prethodnim pregledima i ispitivanjima koji izmijenjeni uvjeti mogu nastati uslijed izmjene odnosno rekonstrukcije postojećeg oruđa za rad kao i postavljanja novih oruđa za rad, odnosno izmjene tehnološkog procesa rada, na koji način svjesne da je upotrebna dozvola za dozirnu šneku model DSD 250X2620 broj 22-11/15-II sa rokom važenja do 02.11.2018. godine zbog naprijed navedene promjene namjene za rad iste prestala važiti i svjesne da zbog njihovih propusta može nastupiti zabranjena posljedica u vidu nastupanja opasnosti po život i ljudi i imovinu većeg opsega, ali su olako držali da ona neće nastupiti ili da će je moći spriječiti, nisu izvršili obavezan periodični pregled i pribavili potrebnu dozvolu kao ni izradili tehnička uputstva za rad na dozirnoj šneci da bi dana 21.12.2017. godine B.K., dozvolila oštećenom prekovremeni radi i istog rasporedila da obavlja poslove poslužitelja na košu dozirnoj šneki iako je znala da ti poslovi ne odgovaraju opisima njegovog radnog mjesta i za koje isti nije zaključio ugovor o radu niti je prošao obuku za samostalan i siguran rad, u toku rada II smjene došlo do nezgode na poslu na način da je zaposlenik oštećeni V.V. upao u dozirnu šneku - koš za mljevenje, usitnjavanje i pečenje piljevine-pilote kojom prilikom je zadobio broje povrede obje noge, grudnog koša, trbuha, vrata, desne ruke i lijevog sjedalnog predjela uslijed kojih zadobivenih povreda i stanja ireverzibilnog šoka prouzrokovanog brojnim povredama, potpomognutog krvarenjem u vanjsku sredinu kao i stanjem opečenosti je nastupila smrt oštećenog odmah po prijemu u prostorije Doma zdravlja Kreševo,

Čime bi počinili, optužena pravna osoba BFS d.o.o. Kreševo krivično djelo Teško krivično djelo protiv opće sigurnosti ljudi i imovine iz člana 328. stav 4. u vezi sa stavom 1. KZ FBiH, u vezi sa članom 323. stav 2. istog Zakona, a sve u vezi s članom 128. stav 1. tačka a) KZ FBiH, te optužene S.K. i B.Z. krivično djelo Teško krivično djelo protiv opće sigurnosti ljudi i imovine iz člana 328. stav 4. u vezi sa stavom 1. KZ FBiH, u vezi sa članom 323. stav 4. i 2. istog Zakona, a sve u vezi s članom 31. KZ FBiH.

Na osnovu odredbi člana 203. stav 1. Zakona o krivičnom postupku Federacije Bosne i Hercegovine, optuženi se oslobađaju dužnosti naknade troškova krivičnog postupka, te isti padaju na teret budžetskih sredstava.

Na osnovu odredbi člana 212. ZKP FBiH, a u vezi sa članom 67. stav 1. tačka 4) Zakona o parničnom postupku i članom 196. stav 2. istog Zakona, u odnosu optuženu pravnu osobu BFS d.o.o. Kreševo, imovinskopravni zahtjev oštećenih M.T. i D.B. se odbacuje. U odnosu na optužene S.K. i B.Z., na osnovu odredbi člana 212. stav 4. ZKP FBiH, oštećeni M.T. i D.B. se sa imovinskopravnim zahtjevom upućuju na parnicu.

ZAPISNIČAR:

Saliha Fejzić

SUDIJA

Selena Beba

POUKA O PRAVNOM LIJEKU:

Protiv ove presude može se izjaviti žalba Kantonalnom sudu u Novom Travniku u roku od 15 (petnaest) dana od dana prijema prepisa presude, putem ovog suda u 3 (tri) primjerka. Oštećeni mogu pobijati presudu samo zbog odluke suda o troškovima krivičnog postupka i odluke o imovinskopravnom zahtjevu.